




Broj: 13-02-5112-2/20
Zenica, 15.04.2020.godine

Na osnovu člana 4. Uredbe o novčanoj egzistencijalnoj naknadi za demobilizirane branioce ("Službene novine Zeničko-dobojskog kantona" broj 6/20), ministar Ministarstva za boračka pitanja Zeničko-dobojskog kantona donosi

INSTRUKCIJU
za ostvarivanje prava na novčanu egzistencijalnu naknadu za demobilizirane branioce

1. Ovom Instrukcijom Ministarstvo za boračka pitanja Zeničko-dobojskog kantona (u daljnjem tekstu: Ministarstvo), uređuje postupak gradskih/općinskih službi nadležnih za poslove branilačko-invalidske zaštite na području Zeničko-dobojskog kantona (u daljnjem tekstu: služba), po podnesenim zahtjevima demobiliziranih branilaca za ostvarivanje prava na novčanu egzistencijalnu naknadu, utvrđenog odredbama Uredbe o novčanoj egzistencijalnoj naknadi za demobilizirane branioce ("Službene novine ZDK" br. 6/20, u daljnjem tekstu: Uredba), te način i postupak obračuna i isplate novčanih sredstava po odobrenim zahtjevima.
2. Imajući posebno u vidu okolnosti izazvane pandemijom virusa Covid-19 i propisane mjere za sprječavanje zaraze, službena osoba koja vodi postupak po podnesenim zahtjevima kandidata za ostvarivanje prava po Uredbi je u skladu sa članom 134. Zakona o upravnom postupku ("Službene novine FBiH" br. 2/98 i 48/99) obavezna pribaviti po službenoj dužnosti podatke o činjenicama o kojima službenu evidenciju vodi služba. Na isti način postupit će službena osoba u pogledu činjenica o kojima službenu evidenciju vodi drugi organ, odnosno preduzeće (društvo), ustanova ili druga pravna osoba. Ovo se prvenstveno odnosi na rješenje o ličnoj invalidnini, uvjerenje o statusu nezaposlene osobe, uvjerenje o pripadnosti Oružanim snagama i uvjerenje o bračnom stanju (za samce).
3. U rješavanju po zahtjevu, služba donosi rješenje u skraćenom postupku (član 139. Zakona o upravnom postupku), ukoliko je to moguće.
4. Služba je dužna u ISVDV sistem unijeti:
 - a) osnovne podatke podnosioca zahtjeva (neophodne za isplatu novčane egzistencijalne naknade),
 - b) skenirati rješenje doneseno po zahtjevu i isto snimiti na server. Unijeti naznaku o izjavljenoj žalbi ili o pravosnažnosti.
5. Rješenje na koje je u postupku revizije dalo saglasnost, ili rješenje doneseno u postupku revizije, Ministarstvo će u ISVDV sistemu proglasiti izvršnim, a u cilju realizacije prava korisnika na isplatu naknade.
6. Ministarstvo će službama dostavljati obavijest o načinu obračuna i isplate sredstava novčane egzistencijalne naknade za svaki mjesec, a u skladu sa sredstvima Budžeta Kantona osiguranim u ovu svrhu na budžetskoj stavci Ministarstva. Obavijest će sadržavati podatak o visini koeficijenta (član 13. Uredbe) i datumu puštanja mjesečnog obračuna.
7. Isplata obračunatih novčanih sredstava egzistencijalne naknade sa budžetske pozicije Ministarstva, vršit će se direktno na transakcijske račune poslovnih banaka u kojima korisnici prava imaju otvorene tekuće račune.
8. Instrukcija stupa na snagu danom donošenja.



MINISTAR
Fahrudin Čolaković




Broj: 13-02-5112-3/20
Zenica, 16.04.2020.godine

Na osnovu člana 4. Uredbe o novčanoj egzistencijalnoj naknadi za demobilizirane branioce ("Službene novine Zeničko-dobojskog kantona" broj 6/20), ministar Ministarstva za boračka pitanja Zeničko-dobojskog kantona donosi

**DOPUNU INSTRUKCIJE
za ostvarivanje prava na novčanu egzistencijalnu naknadu za
demobilizirane branioce**

1. U Instrukciji za ostvarivanje prava na novčanu egzistencijalnu naknadu za demobilizirane branioce br. 13-02-5112-2/20 od 15.04.2020.g. iz tačke 7. dodaje se nova tačka 8. koja glasi:
"8. Period utvrđen članom 2. stav (1) tačka c) Uredbe se uzima u obzir kod obračuna mjeseci učešća u Oružanim snagama podnosioca zahtjeva, odnosno primjene odredbi člana 4. Uredbe."
2. Dosadašnja tačka 7. postaje tačka 8.
3. Dopuna Instrukcije stupa na snagu danom donošenja.



MINISTAR
Fahrudin Čolaković